

## Mizo - Chhandamna Lehkha Thu - Salvation Scriptures

Ephesi 2:2 chûngahte chuan hmânah khân he khawvêl dân anga in awm kha, boruaka thuneihna lal, tûna awih lo fate chhûnga thâwk mîktu thlarau dân ang hian.

Matthaia 6:10 I ram lo thleng rawh se. I duh zâwng vâna an tih angin leia min ti rawh se.

Luka 22:42 “Ka Pa, rem i tih chuan he no hi ka hnêna ata la sawn rawh; nimahsela, keia thu ni lovin, nangma thu thu ni zâwk rawh se,” a ti a.

Johana 16:7-9 “Nimahsela, thu dik tak ka hrilh a che u; ka kal in tân a tha e; ka kal loh chuan Thlamuantu chu in hnêna a lo kal dâwn si lo; ka kal erawh chuan in hnêna ka rawn tîr ang. 8 Ani chu a lo thlen chuan sual thu-ah te, fel thu-ah te, rorêl thu-ah te khawvêl an thiam loh a hriattîr ang: 9 sual thu-ah te thiam loh an chang ang, kei mi rin loh avâng hian;

2 Timothea 2:10 Chuvângin, Krista Isuua awm chhandamna chu chatuana ropuina nêna an hmuh ve theihna tûrin, Thlante avâng chuan engkim ka tuar thîn.

Rom 15:20,21 A ni, mi dang lungphûm chunga rem chho ka lo nih loh nân, Chanchin Tha chu Krista hming lam tawhna hmunah hril lovin, 21 “A chanchin la hrilhna ngai loh mite chuan An hmu ang a, La hre ngai lote chuan An hria ang,” tih ziak ang khân hril ka tum zâwk thîn a ni.

Tirhkohte 2:36,37 “Chutichuan, Isua in khen beha ngei kha, Pathianin Lal leh Krista ni fâwmin a siam ta tih, Israel hnam tinin hre mawlh rawh se,” a ti a. 37 Tin, chûng thu chu an hriatin an thinlunga chhun ang an lo ni ta a, Petera leh tirhkoh dangte hnêna chuan, “Unaute u, engtin nge kan tih tâk ang?” an ti a.

Hebrai 4:2 An hnêna hril a nih ang bawk khân, Chanchin Tha kan hnêna hril a ni ngei si a; nimahsela, an thu ngaihthlâk chuan anmahni a tisâwt si lo, ngaithlatu tak takte nêna rinnaa zawmin an awm loh avângin.

Jeremia 24:7 Tin, LALPA ka ni tih min hriat nân thinlung ka pe ang; ka mite an ni ang a, an Pathian ka ni ang; an thinlung zawng zawng nêna ka hnêna an lo kîr dâwn si a.

Tirhkohte 16:14 Tin, a hming Ludi, puan senduk zuartu, Thuatira khuaa mi, Pathian betu hmeichhe pakhatin kan thu a hria a; tin, Paula thusawi chu zâwm tûrin Lalpan a thinlung a tivâr ta a.

Matthaia 13:14,15 “Tin, Isaia thu sawi lâwk kha an chungah a lo thleng a nih hi: Beng zawngin in hre na ang a, a ngaihna erawh chu in hre tawp lo vang; Hmu zawng in hmu na ang a, Hriat erawh chu in hre tawp lo vang; 15 He chite thinlung hi a lo chawlawl ta a, An bengte a lo ngawng deuh va, An maimitchhîng bawk a; ‘Chuti lo chuan, kan mitin kan hmu ang a, Kan bengin kan hria ang a, Kan thinlungin kan hre bawk ang a, Kan hawi kîr leh ang a, Anin min tidam hlauh dah ang e,’ an ti a, a tih kha.

Isaia 6:9,10 Tichuan, keiin, Kei hetu hi ka awm, mi tîr ta che, ka ti a. Tin, ani chuan, “Kal la, he chite hi hrilh rawh: ‘Bengin a hriat zawng hria ula, a ngaihna erawh chu hre suh u; a hmuh chu hmu ula, hriat erawh chu hre suh u,’ tiin. 10 He chite thinlung hi tithau la, an bengte tingawng la, an mitte maimitchhîntîr rawh; chuti lo

chuan, an mitin an hmu ang a, an bengin an hria ang a, an thinlungin an hre bawk ang a, an hawi kîr leh ang a, tihdamin an awm dah ang e,” a ti a.

Marka 4:11,12 Tin, ani chuan an hnênah, “Pathian ram thurûk chu nangni hriat zawng phal a ni a, pâwna mite tân erawh chuan engkim tehkhin thaua tih a ni; 12 chutichuan, ‘Hmuh zawng an hmu thei na a, hriat erawh chu an hriat theih lohna tûr leh, beng zawngin an hre thei na a, a ngaihna erawh chu an hriat theih lohna tûrin; chuti lo chuan, an hawi kîr leh ang a, ngaihdam an lo ni hlauh dah ang e,’ ” a ti a.

Johana 12:39,40 Hemi avâng hian a ni an rin theih loh, Isaian, 40 “Aman an mit a tidel a, An thinlung a tiâ a; Chuti lo chuan, an mitin an hmu ang a, An thinlungin an hre dah ang a; Tin, an hawi kîr leh dah ang a, Keiin anni chu ka tidam dah ang e,” tih a sawi leh avâng hian.

Rom 11:7,8 Engtin nge ni ta ang le? Israel mite chuan an zawn chu an hmu lo va, thlante erawh chuan an hmu a, a dang zawng zawngte chu an chawlawl zo tawh a. 8 “Pathianin vawiin thlengin an hnênah mutthlûkna thlarau a pe a, hmuh theih lohna mitte, hriat theih lohna bengte nêñ,” tih ziak ang khân.

2 Thessalonika 2:10,11 Boral mëkte tân fel lohna bumna tinrêng nêñ a ni ang; chhandama an awm theihna tûrin thutak hmangaihna chu an pawm loh vâng a ni. 11 Chu vâng chuan dâwt thu chu an awihna tûrin Pathianin sual hna thawhna an hnênah a thlentîr ang,

Matthaia 13:18-23 “Chutichuan, buh chi thehtu tehkhin thu chu hre rawh u. 19 Tu pawhin ram thu chu benga a lo hriata, a ngaihna a hriat si loh chuanin, mi sual chu a lo kal a, a thinlunga theh sa chu a chhuhsak thîn. Chu mi chu kawngdunga theh chu a ni. 20 Tin, pialtlêp hmuna theh chu, thu chu hriaa lâwm taka pawm nghâl thîn hi a ni; 21 nimahsela, amahah chuan zung a awm lo va, rei lo tê chauh a awm a; tin, thu avâng chuan hrehawmna emaw, tihduhdahna emaw a lo awm veleh a tlu nghâl mai thîn. 22 Tin, hnimhlîngnei zînga theh chu, thu hretu a ni a; nimahsela, khawvêl lungkhamna leh hausakna bumna chuan thu chu a dîp a, rah lovin a lo awm thîn. 23 Tin, leiñhaa theh chu, thu chu benga hriaa a ngaihna hre bawk hi a ni; chu mi chu a rah ngei a, thenkhat a leh za te, thenkhat a leh sawmruk te, thenkhat a leh sawmthum tein a pung thîn,” a ti a.

2 Korinth 3:15,16 Nimahsela, vawiin thleng hian Mosia Lehkhabu an chhiar apiangin, an thinlungah chuan khuhna a awm thîn. 16 Nimahsela, an thinlung chu Lalpa lama a hawi tik apiangin, khuhna chu lâk bo a ni tawh ang.

Isaia 30:28 A thaw chu, boralna thlangraa hnam tin thlei tûrin lui, nghâwng thleng zeta a kuang liam dûl dûl ang a ni; tin, mi tin kaah chuan hruai sualtîrna hnuh dinna hrui a awm ang.

Hosea 11:3-7 Kei erawh chuan Ephraim chu bâna dawmin kal ka zirtîr a, Anmahni ka tihtîr a ni tih erawh chu an hre lo. 4 Mihring hruihrual, hmangaihna hruite chuan anmahni ka kai a, An tân chuan an khabea kawl hlihsaktute ang chu ka ni. Duat takin an hmaah ei tûr ka hlui a. 5 Aigupta ramah ka tîr leh tawh lo vang a; Mahse, an inlamlêt duh loh avângin, Assuria chu an lal a ni ang. 6 A khawpuahte chuan khandaih a invilik ang a, A kulhte chu a tiboral ang a, A tiral ang, anmahni thu lo râwn avâng ngeiin. 7 Ka mite chuan mi hawisan an tum

reng a. An nghâwngkawl rit tak avângin Chungnungbera an au vang a; Mahse, tu mân an chawi kânsak lo vang.

Tirhkohte 26:18 chutichuan, thim chu êng lamah an hawisan ang a, Setana thuneihna chu Pathian lamah an hawisan ang, sual ngaihnathiamna an hmuh nân leh, min rin avânga thianghlim tawte zînga ro chan an neih nân,’ a ti a.

2 Timothea 2:24-26 Lalpa bawih chuan do tûr a ni si lo va, mi zawng zawng chungah zaidamin, zirtîr thiamin, sual chungah dawhtheiin, 25 do tûra insiamte chu thuhnuairawlh takin a zirtîr zâwk tûr a ni; chutichuan, Pathianin thutak chu an hriat famkim nân a simtîr hlauhvin, 26 Pathian duh zâwng ti atân Lalpa bawihin a manin, Diabola thang ata an chhuak thei mahna.

Thu Puan 3:17-19 Ka haus a, sum ka ngah a, eng mah ka tlachham lo ve, i tih avâng leh, nang mi rethei, khawngaihthlâk, pachhia, mitdel, saruak chu i ni tih i inhriat loh avângin; 18 i lo hausak theih nân rangkachak meia tihthianghlim te, puan i sin theih nân leh i saruak zahmawh chu a lan loh nân puan vâr te, i hmuh theih nân i mita hnawihah mit na hlo te ka hnêna mi lei tûrin ka râwn a che. 19 Ka hmangaih apiang ka zilhhauvin ka thunun thîn; chutichuan, ṭahnemngai la, sim rawh.

2 Korinth 7:10 Pathian duh zâwng lungngaihna chuan chhandamna tûra simna a thlen a, chu chu inchhîrawm loh tak a ni a. Khawvél lungngaihna erawh chuan thihna a thlen zâwk thîn.

1 Lalte 18:37 Mi lo ngaihthlâksak la, hêng mipuite hian nang LALPA hi Pathian i ni a, an thinlungte i lamléttîr leh ta a ni tih hi an lo hriat theih nân aw LALPA, mi lo ngaihthlâksak ang che,” a ti a.

2 Korinth 4:4 Krista, Pathian anpui, a ropuzia Chanchin Ṭha êng chuan anmahni a chhun ên theih lohna tûrin, chûngahte chuan he khawvél pathian hian ringlote rilru a tidel ta a.

Luka 8:11-15 “Tehkhin thu kha hei hi a ni: buh chi chu Pathian thu a ni. 12 Tin, kawng dunga mi chu thu hre tawte hi an ni; tin, Diabola chu a lo kal a, an awih lohva, chhandam an nih theih loh nân an rilru ata chu a lâksak thîn. 13 Tin, pialtlêp chunga mi chu hêng mi hi an ni: an hriat veleh thu chu lâwm taka pawmte hi; nimahsela, zung rêng an nei lo, rei lo tê chauh an awih a, thlêm an nih hunin an bânsan leh thîn. 14 Tin, hnimhlîngnei zînga tla chu hêng mi hi an ni: an hriat hnuin an kal a, dam chhûng khawsak lungkhamnate, hausaknate, nawmsaknate chuan a dîp a, an rah puitling thîn lo a ni. 15 Lei ṭhaa mi erawh chu hêng mi hi an ni: rilru fel leh ṭhain thu an hria a, an vawng reng a, chhel takin an rah thîn.

Tirhkohte 15:11 Anmahni rin ang bawk hian keini pawhin Lalpa Isua khawngaihna avânga chhandam tûr niin kan inring si a,” a ti a.

Rom 8:13 Tisa dâna in awm chuan in thi ngei tûr a ni; amaherawhchu, taksa thiltihte Thlarauva in tihhlum thin chuan in nung ang.